

齋信請受皆當以所受之信完補先師之限餘者可為身法用有違考屬大官曹

飛天神人曰受經法信當十分折二送祖師又折二散乞貧人山棲道士餘信管已法用燒香然燈為弟子立功有違考屬三官曹

飛天神人曰受經中悔放散天文考屬司非曹三年滅種長夜

不輕忽三寶不泄露真經不欺師違義不稱己功名不輕天慢地不毀辱三先不穢汚五嶽不凌藉神明不口是心非不妬害賢能不慳惜施功不貪欲自榮

飛天神人曰明真科文戒於罪福品目如上至士精心修科奉法不違經典冥感自然天亮爾心七祖立得開度九幽長夜之中上昇天堂衣食自然早得更生王侯之門見世光明慶福難勝勤行弗怠克獲神仙矣

洞玄靈寶長夜之府九幽玉匱明真科

太上元始天尊說此帝伏魔神咒妙經卷第一

上清三洞經錄卷第廿本上殿陽靈卷

叙議品

道言昔於龍漢元年甲午之歲

元始天尊居上元之殿八景天都安五雲寶

座垂十絕靈幡與三十二天帝十極真人玉

童玉女三景丈人侍衛大威力魔王八景大

神飛龍騎吏無鞅數象碧落空歌天樂搖曳

演說真一妙法是時上元天都東北方振動

天門忽開下觀乃有鬱勃血光參雜之氣幽

冥冥從人間東北方上衝天宮盤結不散其氣

皆腥羶臭穢大衆咸驚默然不敢發問是時法

會中有一真人名曰妙行福德充備瞻仰整

頓而出欽簡謁步再拜長跪上白

天尊臣聞至真妙域明絕非祥無何之鄉本

除怪異臣侍道君已經萬劫未嘗有此異見

奈何今日法會之中觀此穢結黑毒血光之

氣紛雜衝天是何灾祥恩惟至聖重宣妙典

今破衆疑得究其源今學道之者咸生敬向

是時

元始天尊良久微笑發言汝等當知靜默安

神而為汝說下元生人皆從此界降下氤氳

真一之形皆備三萬六千神氣清淨扶衛又

為陰魔忘源失本今三九數終鬼魔流行信

著邪道不依道源為諸神雜體為諸陰魔邪

鬼所亂心生兇惡殺害群生以同神鬼誦求

餘福曆數將終顛狂淫亂不孝不忠不慈不

義好樂邪道今為六天鬼神枉有所傷若男

若女若老若少未盡天年橫被夭傷死魂未

散結成惡氣怨怒上衝卿當省知是時妙行

聞是說已心大驚怖上白

天尊言彼六天鬼神不審備何威力有何神

通得於人間行種種刑害殺傷生人無所畏

懼諸法皆不能禁止唯願為臣分別解說臣

雖聾愚願假聖力知其所始往彼救護令得

下元生人免遭非橫

天尊告妙行曰從此天界正北方過此太溟

無鞅里數窮北方之極有一世界名曰五氣

玄天洞陰朔單鬱絕之園中有帝君名曰太

陰五靈玄老黑帝靈君侍佐助理名曰玄滋天

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

君太上靈君侍真行氣降生玉女名曰太玄  
夜先玉女當與靈君北卿無鞅太玄諸靈官  
開太玄北門名曰陰生廣靈之門說太玄真  
一妙經制御陰魔聞是法味一國人民死者  
更生枯骨重肥人無夭傷不至非橫其國下  
界有太虛太荒溟渤周迴無鞅里數海水皆  
惡腥穢黑色無測邊際中有一大山上叅碧  
落下入風泉名曰鄴都羅山山聳十萬六千  
里周迴五萬里山下水深一萬里水際山脚  
下有太洞陰景天國中有主者名曰太陰水  
帝北陰天君其洞天周迴一萬五千里其官  
名太陰宮左右助理名曰東斗斗中生氣君  
西斗斗中生形君南斗斗中司禁君北斗斗  
中司命君中斗斗中總錄君下吏九令主者  
五嶽府君二十四治陰官二十四治陽官河  
海掾吏丘陵溪澗主者下吏無鞅之衆六天  
異鬼惡神以為侍衛左右列三十六獄周迴  
各五十里獄中草樹皆稟自然惡毒之氣  
所生為刀劍鋒鋷多鏡衆毒極毀炎火烟黑  
風飄日夜不停冥昏毒氣血光熏晃火車

灰河鐵棒銅鏈拷打楚痛呻吟振天皆是  
下元肉人罪鬼死魂之所處也其太陰天  
洞外左右有三小宮各五十里各有主者居  
焉第一宮名天官宮第二宮名地官宮第三  
宮名水官宮皆是生死追呼之要司也其山  
中有六洞宮其洞宮是太一陰洞天官每宮  
周迴五千里此六宮亦陰府之六曹也每宮  
直主者役士各一大魔王每一魔王下小吏  
三十六萬人皆異狀兇怪鬼神或魚龍之形  
以為侍衛其洞門在太虛杳冥之中常為烟  
霧濛鬱所蔽若非天帝至力不可及也名為  
六天魔王宮其鬼乘生人迷亂下降人間啖  
食女人懷胎血孕精氣令非夢惡想或為貓  
犬之形令女人驚怪痿黃色頰血精斷絕  
狂病衰患傷食生人子息或一歲至十歲  
枉遭夭折下元生人大限未終為迷不能添  
神益算延生請命遭逢魔鬼枉折天年又與  
生人九玄七祖拘牢考問生人姓名延累共  
行諸惡病瘧癰疽焦瘦嗜睡膿血惡瘡疥癩癩  
狂盲聾閉塞或為風水作難遊魂惡夢枷鎖

鞭撻禁繫非常行種種疾病不可具載矣將  
生人行年本命三魂七魄上送六宮落生名  
上死籍病困床枕積歲經年改易形骸以求  
血食或為女巫搖鈴鼓吹之怪據於大木古  
樹或為三皇五帝古先帝王形像垂梳帶佩  
或為六天魔女盛服艷粧或為九州前代猛  
將兇臣持戟把劍或為諸天大將軍駁騎日  
月星辰光氣遊行人間或為生人七代墳墓  
祖考儀貌或為野獸乘騎飛鳥鴛鴦駝駝風五  
色光明妖童艷女或託異木怪石為主或為  
古穴泉源百形千變殺害生人苦遭逼逐或  
求異法禁術鎮壓追捉其鬼力不能加即反  
入洞中不可尋逐諸邪不禁力不加敵及有  
大威力移山拔樹與雲動雨不可禁制卿等  
當知是時妙行啓  
天尊言曰巨雖蠶愚頑假聖力今日請將三  
天真仙飛仙龍騎往下人間降禁是鬼令得  
下元生人免遭荼毒是時  
天尊告妙行曰吾不令卿往奪卿誠悃既攝  
伏邪精以求善功即當行矣是時妙行從法

會起將領三天丈人十極真仙騎吏飛將天  
樂導引正北而行尋其黑氣結勃之所去人  
間數里龍鶴不行雲與不進所領侍衛悉有  
觸縮之狀不能前進是時衆中有一素車白  
馬真君告妙行曰下元人間屍見穢氣鬼毒  
流行吾等皆三清至真金姿玉質清淨之儔  
遭此穢觸不能降下願却歸天往不可也是  
時妙行引諸道衆却反上元天中朝謁  
天尊再拜長跪上白

天尊言曰臣昨與三天丈人十極天真仙官  
眷屬下降人間降伏鬼魔救護生人至其方  
所去地數仍龍鶴不進侍衛真從悉皆有觸  
縮之狀為鬼魔穢毒所熏不審以何方術得  
其生人免是殘害是時

天尊告妙行言曰是鄴都羅山絕頂之上虛  
无北界有北帝靈君統領北方無鞅大力魔  
王天丁力士陰景飛雷電吏甚有威力若非  
北帝不可攝伏是時妙行啓  
天尊言曰不審以何道力召命得是  
北帝以救生人免為屍是日有所害時

天尊叩齒遙存北方五炁天中太陰北帝爾  
時北帝遙知將領十天魔王八景大神三  
十六洞天丁力士三五大將軍高麾五湖大  
將軍豁洛北斗七元大將軍衛靈大神無鞅  
飛雷電吏巨獸毒龍諸小神吏及北陰大力飛  
天鬼衆一時同會至其會所時理劍佩玉欵  
簡跼步再拜長跪言臣自違侍筵以僅十劫  
今日遙奉密旨得拜  
聖顏不審至聖君臣有何指役是時

天尊告北帝曰北陰鬼魔出行人間枉殺生  
民大半今當三九七五之歲生人昏迷遭逢  
鬼魔殺害尤甚大限未終橫折無數陰魂不  
散托結幽途茫茫竟魂上衝震天卿可與十  
洞魔王三五將吏下降人間禁伏陰鬼功成  
德合身入無形自然真極是時

北帝再拜受命總統十天大魔王三五大將  
軍三師門下吏兵天蓬殺重北斗殺吏巨獸  
飛吏衆鉤索飛吏太上真神天丁力士天騎  
甲卒南斗殺鬼使者北斗火炬科車神吏紫  
氣前衝流火萬里下降人間是時陰鬼未覩

天兵十日已前悉皆遣  
北帝太玄殺氣先衝腦裂死向太半  
北帝將降橫天刮地上張天羅下布地網天  
騶狂獸縱橫斷斷天丁飛吏斬破鎚斷或  
未變其形隱處無虞或為龍蛇或為女童妖  
狀七日悉皆禁斷是時  
北帝將領天兵歸赴上元天中八景玉殿朝拜  
天尊臣奉聖旨下界攝伏陰魔七日之內應  
斷北鄴都羅山六洞鬼官臣各使一大力魔  
王專令守固鎮壓是時

北帝啓  
天尊言下元生人三九七五之歲生人多積  
凶惡孽障深惑重招延洞中魔鬼遂乘其虛  
耗潛出人間或有收禁未盡或生人層數將  
終陰洞自開不令禁制流行人間四海五湖  
七澤九江五嶽二十四治山川坑坎洞穴隱  
沒為人災難臣令三十萬兵常在人間巡行  
捕逐生人急難誦臣此神名咒一遍魔鬼聞  
之悉皆腦裂北帝曰下元生人國土或有歲  
凶殺倫三灾刀兵瘟疫流行國人傷死血光

北帝啓  
天尊言下元生人三九七五之歲生人多積  
凶惡孽障深惑重招延洞中魔鬼遂乘其虛  
耗潛出人間或有收禁未盡或生人層數將  
終陰洞自開不令禁制流行人間四海五湖  
七澤九江五嶽二十四治山川坑坎洞穴隱  
沒為人災難臣令三十萬兵常在人間巡行  
捕逐生人急難誦臣此神名咒一遍魔鬼聞  
之悉皆腦裂北帝曰下元生人國土或有歲  
凶殺倫三灾刀兵瘟疫流行國人傷死血光

漂流即當清淨求請三洞道師於國北門建

暨北斗七元壇場燃燈散花行道申表誦吾

六天神咒旋遶七日二七日及四十九日

北帝此時統領三五大將天蓬部落十天魔

王無雙數眾大力天丁飛雷電騎梟鉤索騎

更神王威劍萬丈南斗大神北斗使者紫氣

流火隱據其所掃除魔鬼瘟疫血光穢氣氛

氤氳令清淨

北帝曰下元生世人懷孕死損系嗣十九

不成或懷胎一月二月或至得生或於胎中消

死或長成至七歲至十歲無端大傷此皆女

人懷此血穢為六洞天魔鬼母飛隨女人

食女人精氣胎血頻遭損傷令女人痿黃惡

瘦夢想驚怪其鬼變形為貓鼠狸狗夢中

食人子息即當清淨堂宇求諸道師依科置

壇醮北斗七元君燒香然燈誦吾神咒行道

懺謝或一日至七日吾當使太玄夜光玉女

一十二人侍衛女人令不傷損一一成就若

有產死急難之時為鬼母障閉北陸陰穢鬼

求食啖產母之血令產母楚痛一日或七日

受苦難忍呻吟晝夜當須清淨庭院建壇作

法誦咒行道吾當使九玄殺童六丁玉女擁

護產母無令楚痛所生男女皆異相端好聰

明貴達 北帝曰若有下元生人或遇天灾

流行瘟疫病死炎毒熾盛人人困伏床枕非

橫競起或邪鬼侵奪住止屋宅或於生人行

年本命之上妄作灾衰枷鎖刑獄執繫禁錮

累歲經年室塞四方不通或久病在牀魂為

魔鬼禁繫幽司或為耗鬼擁塞錢財流散

祿命衰微所為不成當依科法申奏章表

醮祭北斗七元君五星二十八宿行道誦咒

然燈散花一日三日七日四十九日吾當令

北斗司命君削除黑簿南斗司禁君移易生

籍添年益壽迴灾轉厄所有狂邪妖鬼當使

六天大魔王三五大將軍驅除斬決不令為難

北帝曰或有下元生人求學道業中道不成

退散迷忘昏闇不通當清淨齋沐誦吾神

咒或七遍至百遍行住所止不論穢觸但心

存誦念當降北斗七元君清氣入人心中心

除心魔外備百神安穩吾威通暢心竅開

奏神情所學克獲

北帝曰下元生人或泛大海江湖遭遇風雷

電掣驚怖沉溺或山行林谷險隘晦暝夜行

野止豺狼虎獸龍蛇鬼怪種種恐怖當淨心

端坐密誦吾此咒三七遍是時六天魔王天

蓬大將領本部神兵及曠野大神八景神王

五嶽四瀆江河溪澗大神土地主者應心下

降圍遶不令驚怖安穩無他神色怡悅眾邪

消散 北帝曰下元生人有身無子孕此為

洞天魔鬼母與天狼貪狗食其精華令絕

種裔若求男女當於堂房中置北斗燈壇隨

師行道燒香散花誦吾神咒萬遍朝醮北斗

當降青腰玉女一十二人侍衛子蕪應願得

生上相聰明男女壽考

北帝曰下元生人若能清淨身心每日行住

起止常誦此咒七遍或至一百遍晨昏念誦

所為無不成就博戲求利或見侯王貴人常

獲歡喜願念和合

北帝曰下元田土所種五穀為蝗蟲眾灾所

損當須於田中作壇依科誦咒七遍或四十

九遍吾當勅九州社令后土土王禁斷三日  
災蟲皆自消滅矣

北帝曰此是六洞天魔王常為下元生人六  
害第一官害人財物能令虛耗錢財流散第  
二官害人生命能令人身名不達官爵衰退

第三官害人爵祿能令人室塞四方不通第  
四官害人田宅家舍頻有死亡災害鬼怪  
住止不安第五官害人妻妾能令人頻頻喪  
死或一至第七第六官害人男女能令不成兩

死絕滅是此六害常為六天魔鬼經營生人  
與洞中六司掩塞作生人害難若有志人當欲  
除之但於清淨山野外或古壇靜室之中結  
壇行道依科作法三日七日至四十九日訖

當申表一通名曰六害表醮六十盤六甲及  
五星二十八宿太陽太陰宮當須佩三五解  
六害大籙一品當降九宮玉童一百二十人

解害大將軍及北斗中大神天蓬部落行  
案六洞陰官檢勘為害之所一分解永斷  
其殃更不復纏連生人

北帝曰下元生人或為王侯征戰陣敵當須

佩九官捍凡六宮辟屍大籙祭北斗七元君  
及寫此咒於籙中佩於左膊臨陣對敵心  
密誦神咒七遍六天魔王天蓬大神北斗使  
者三元大將軍衛生人令不傷損得保清吉  
永却血光非命之厄

北帝曰下元生人或為惡人若欲侵害當存  
惡人於左足下誦此咒一百三十遍惡人自  
反凶為吉

北帝曰下元生人有知鄴郡六洞天宮名則  
百鬼不敢為害凡欲卧時常先面向北叩齒  
七通誦咒三遍微其音曰

吾是帝君之臣名書玉清下統六天北帝  
鬼宮悉是我營我之所部何鬼敢生左佩  
豁落右帶火鈴擲火萬里威制千靈有犯  
者戮有干者刑帝君有命收捕不停天光

駭動群魔東形鬼妖滅種我得長生急急  
如帝君勅律令

謹按天關三圖上清經曰鄴郡山在北方祭  
地故東北為鬼戶死氣之根山高二千六百  
里周迴三萬里其山之洞宮在山之下周迴一

萬五千里其上下並有鬼神宮室山上有十  
二宮領鬼山下有十二宮統神每一宮周迴  
千里上宮左右各六宮下宮左右各六宮故  
二十四宮也

上六宮名  
第一宮名紂絕陰天宮  
第二宮名赤殺諒事宗天宮  
第三宮名明晨耐犯武城天宮  
第四宮名恬照罪氣天宮  
第五宮名宗靈七非天宮  
第六宮名敢司連宛屢天宮

下六宮名  
第一宮名休明總靈洞天宮  
第二宮名玄司重正宗靈天宮  
第三宮名統仙升靈希微天宮  
第四宮名正真卻靈究司天宮  
第五宮名雲婁玉紀明天宮  
第六宮名崇虛赤映雲田天宮

一咒則天地先駭萬魔東形二咒則鬼妖滅  
種六天絕人死名世人學道不知鄴郡宮名

神鬼所治不能斷塞死根使後學者萬無得成也

北帝曰下元生人或男或女夜中經行及睡卧之時誦六天官名者諸鬼魔聞之皆自成血糜散不得高聲損鬼尤甚若無患害誦

咒先發願者吾所誦六天門名咒用安魂定魄不損陰冥亦咒曰

紂絕標帝晨誦事構重二及如宵中炯勃若景耀華武城一神峯恬照吞青河閻闍臨丹并雲門齋嗟峨七非通奇蓋連究亦

敷魔六天橫北正迤此是鬼神家辟虎毒王六天鬼王震捨羅鈴北帝魔王四

天晶晶鄧都鬼相巴元醜伯九天都錄總領大魔敢不從命

止帝曰臣所說此咒者名北帝神咒皆是推斬啖食六天鬼神也下元生人若老若少若男

若女貧賤困卑當行坐止息誦此神咒所求無不克者諸魔鬼退散即生神氣專志堅固無

諸滯礙所求合道北方黑帝五靈玄老大神咒但每持念之時先存天蓬神將四面六手

各執戈劍弓箭金鏢鎗等六物身長五十丈披金牙鎧甲光赫萬里叱咤吃音震怒領神兵三十萬人黑衣玄冠來下禁滅邪妖叩左齒三十六通吹叩右齒三十六通吹鳴天鼓二十四通然後轉身北面次坐建王方向破地乃微音咒曰

天蓬天蓬此是四面天兵各領九玄殺童此是上清禹餘天大赤天上法中上清三洞法三天兵符掌天大神百億萬人

五丁都司此是六丁神女在三門下禁若然急北神三神高刀北功此是北帝兵一十一萬人也

七政八靈此是北帝七星一十萬人也太上浩兒此是太上三將

長顛巨獸此是四清河海大注所之

素象三神嚴駕慶龍此是三天皇帝

威劍神王斬邪賊此是風神玉帝之神

紫氣乘天此是共魔神統玉帝之神

丹霞赫衝此是女帝神統玉帝之神

魔食鬼橫身飲風此是二十四天鬼神

蒼舌綠齒四目老翁八千人移山塞海存此神天丁力士威南禦凶天驕激戾威北衝鋒此是上清法神二百人常隨三十萬兵衛我九重辟魔千里祛却不祥八萬五千人補經時及傳符錄

敢有小鬼欲來見狀鑿天大斧斬鬼五形此是五帝兵馬三洞天官有三千萬

炎帝裂血北帝燃骨四明破骸天敵滅類此是四明功曹使者三千六百人隨時左右以驅善惡常預存好事不替起心形惡

神刀一下萬鬼自潰此是北帝神靈存之靈

太上老君律令右三十六句四言一叩齒

北帝曰誦吾神咒行吾此道守護科禁吾當與北方三十洞天君天蓬大將軍十極八景

大神飛天狂獸隱蔽不離生人圍遶侍衛令一切憂念無所滯礙誦此咒或七遍或至四

十九遍一百二十遍託即啾啾嗚天鼓擊天啓各三十六通又更誦此後咒三遍或七遍即行寢卧無妨名淨天地咒所居穢惡常念

